# مدهد جهال أمين


صميل الوجع

A STATE OF THE STA





•



#### Swallas

دقيت على باب التاريخ مالقيتش غير..
رجع الصدى.. وأه ألم مضفرة بأنة صريخ!!
ياحزن مطلوق ف المدى مين ابتدى..!!
فيك الألام
والعن القلب الصجر وارجع لأصلك..
وارجع لأصلك..

#### ترنيمة

باحلف ياقدس فد كل أن باحلف يا أقصى بالآدان باحلف بمشوار الآلام باحلف بأبراج الحمام باحلف بتينك والزيتون وخير نخيلك والليمون ونور حروف الأبجدية وفجر طارق ع البيبان لاتوضى من دم الشهيد واقرب الفجر البعيد وارجعك من تانى عيد وارجع العهد اللى كان

#### عرق الرجوع

الوحدة تجرحني والناس عيونها قزاز في الغربة أنا محنى ودروبها تطرحني على لحن مش احنى ولا النغم هزاز قلبي ما يرقصشي إلا على المزمار يا أم القمر وناس ما نسيتش موالك ما نسونيش شالك لسه الريحان منقوش على صدرى وكفوفي

مونسه خوفي لسه الهلال مبتسم لجدايل الصفاف لسه يمام قلبي أبيض ... حليب ... شفاف ما عشقش يوم غيرك ركبت صدر المد راجعلك با غنيلك عاشق خضار حلمك وسلسبيل نيلك ركبت صدر الحد راجعلك باحلم بضمة حضنك الدافي... فارد قلوع الشرق على أخر الجناح وأقطف... بياض الموج بحد مجدافي عرق الرجوع ... عنبر

لولى بيدحرج على جنبى
على كتفى على الميه
بتسرسب
ويسبقنى على شطك
يبوس خدك ... بحنية
تراتيل اللقا انطبعت
على جفنى
رعشة فرح ... يوم السبوع
زفة طهور
ريحة عفار القطر
ع السكة ...
صفصافة بتبل الشعور

## هنلي الأخير

نشع الألم مساخيط شبورة من طرح النفس متشعبطة ع الحيط جمجمة عامية على كتف الوثن.. ضلى الأخير فارد دراعه للشجن حواديت مفكوك يا حبل الحنجره شهوة جنونك للصهيل قايدة جدار المندرة أصرخ ياريح.. وصد الزمن لونت خد الزمن

على طرف الكفن!!
مليون سوال جوه عيون الجمجمة
طارح عفن..
راس الحسين
كانت بداية الملحمة
سيمبك على طرف الخليج
ناخر ضلوعك السيما
كانت بداية وانتهاء
كل الجماجم يا وطن
ف حلوقها نام
عصر الخوارج ما انتهاش

يا شهيد نام واستتر دمك نشاز عزرا اللى فاز عينة القزاز فالقة الحجر اكتم عويلك يا أسير يا لعنة العصر الأخير نام الغضنفر ع السرير والصبية بتغتصب!!

Le liviciles

خمالك ثغيل باجد د والعين ما بينامد دي مقتون و د الله ي الدوا الا ياشكي لحد القمر بالمرائل جدا الشي يا هام ثبان يعيي أذا بد الحائش المرت همياية فيك والتعاد الكساس

بقى هى دى الخاتمة قطع الزمن نفسى واتحشرجت الأيام ع الوش كام لطمة ياشمس يا مهاجرة فايتالنا ليه العتمة بعث السنان فضية طرحت سنين هتمة أقعد فى ريح النو الخنق كتمة

# التحوفه

ما فضلش قد اللى فات
الزمن ...
طارت آهات
تشتى الليالى فى البدن
تطرح على جلدى حكايات
أمد إيدى للندى ...
أقطف ألم
ريح الخريف سايقة الزمن
والحلم ضاع فى الذكريات !!
فسرت همى بالشجن...
ووهبت دمى...
للعشيقة من سكات

حورية من جنة عدن...

نبضى اللى بيعد الدقائق والساعات ولما تعصرنى المحن..

بالحضن فارد إلى دراعات تعصر ف بقى الملحمة ..

أبو الفوارس عنترة ..

وسيف اليزن ..

ما كانشى عشقى للصبا
ما كانشى عشقى للصبا
نداهتى جوه ريق الحلق
عشقك يا وطن ..

أنا عمرى مش محسوب زمن :

أنا عمرى لحظة عشق واحدة

باعشقها بثبات

### انت میں

حلمت بيك يا قدر باطيرك غية يمكن ترد الروح أو تنطلق بيا العمر لحظة رضا متوحدة فيا

> من عمر مين شفتك هناك منقوش بعيد صلصالة ناعمة حنينة زي العجين صورتك هناك شباك حزين مالهوش شيش

جوه الركام
وسط الحديد
والدرفتين
كتفين شاويش
فارد دراعك للنسيم
بتقوله عيش
عطشان حديت
بس اللسان
ما بيختشيش
الزند عاد
رامى السلام
راسم على دراعك كلام

تحتهم ...
صورة غضنفر
الميمنة مرفوعة سيف
سكين بتشق الرغيف
الدم سال
وابتدا مليون سؤال
وأنا ع الرصيف
القاضى قال
كام سنة ومازلت ضيف
كام سنة نايم خفيف
محبوس ف ذاتك
والضلوع قضبان

محبوس برىء
متراس حريق
مطفى نارك بالحريق
خليك هناك
دم الرئة طافح غناك
تبنى هر
ترسم ف قلبك ميت صنم
وراك وراك
مش مسألة زلة قدم
إنت المثالى ف العدم
خليك هناك

## خدلك نفس

خدلك نفس
وادى اللى جنبك نظرتين
عبر الأثير
صوت البروجى خلاص
ما عدش يهمنا
ما عدش بيمنا
ما عدش بيصحى الغفير
نوم العواف ... يا عمنا
لا عدت بتحس بقلق
ولا عدنا نسمع لك
شخير ...

للصبح
عالفيم المثير !!
ما عدش دم الحر
ينقح ع الغلط ...
ما عدش وخز السيف
يأثر فى الضمير
خدلك نفس
ما تديرش وشك ع اللي جاى
الذر متشوف ...
والعورة صارخة

فى وشنا
ومفسرة كل الحروف ...
وحق كل مليم أو دولار
محبوس فى بنك العم سام
بحق كل شريط كاسيت
السعيدة لتصحصح يا خام
الدور عليك
وجايه مهما اتأخرت ...
نفس الحكاية اللى ابتدت
فى الأندلس ...

#### الصمت موت

عمرك هرم ...
صمتك ألم ...
ع الشفة مرسوم ابتسام
مزروع على كتف القدر ...
العين حجر ...
متونسة بحبة ملام
الرمش دابل م الأسى
مش من معاول الزمن

حرف العجب على شفتك خلانى أشوف فى عنيك كلام فضفض ... وشق جلباب السكوت الدهر أيل للسقوط ضاق البراح ... الصمت موت ... الكون خلاص بقى مش لنا والحلم ضاع جوه التابوت

#### السقامات

لا كان مخاوى ...
ولا اتبخر بجهل الزار
ولا هتيف ورا حاكم
ولا عشمان ف قصد دوار
دا كان ..
سقا !!
كريم دوار !!
يطوف على كل باب وجدار
يطوح كلمة أمل ...
يتنسم الفجر المسافر
في الحكاوى ...
ويغزلك أشعار

من ضرع الليالى!
ويزرعك نوار
يستنشق الضى
ف عيون النهار
وينزه نور ...
لاجل ما يمسح
كلمة غضب
في كراس المرار
صابر ولا أيوب
شق الحفا العرقوب
وانتى ولا سيائلة ...
كان بيحسبك عاقلة

```
غطسه فى بحر الوريد وملاه ...
كل الحروف حمرة بلون الآه ...
لما انطفا حرف القلم ...!
للم ف جرحه ...
على جناح الحنين ...
```

### صعيل الوجح

اللحم نبت ألم والعضم طأطأ صبر نشجب يارب بحذر والانداوى بجبر

> منقوش على صدره/ وفوق القلب الجرح جاى مهما يكون طول الجرح بالسنتى لكنه قد الكون ... ف آخر عشا قالها ليهوذا إوعى تخون أنا لما جرحى اندمل

عشش ف حنجرتی وصوت صهیل الوجع بتنز فیه شیبتی کنت ف زمانی جدع لکن لیالی البدع استکترت بختی اندمل مدیت إیدین الشوق کام کف فیك یا وطن اکید تاخدنی لفوق ما درتش غیر بالعفن سارح لحد الطوق

وكف طارح كفن
ونبض مات مشنوق
أنا لما جرحى اترمل
علقته تعويذة /
ونزفت حزنى ف الوريد ...
بالصمت
حادق يا طعم الألم
مرين يا ريق الكبت
طوبى لكل يتيم
ف القدس يوم السبت ...

### قول يا ملهم

قول یا ملهم

هد سور الخوف وقول

فك حبل المشنقة

الملفوف على لسانك

نهول !!!

تربت نص النيل شقا

ورجعت متسند

على حبال التعب

مسطول

قول یا ملهم

ماعادش ینفع

ماعادش ینفع

ضرع الزمن راخر سكت حتى الحروف رافضة النزول فك حبل المشنقة انطق بقى ما فاضليش غير إنك تقول واصحا لدبة خطوتك في الضلمة راصد سكتك ميت ألف غول إياك تنخ وتنحنى أو يطول عودك دبول أكل الكلاب/ ما علمكش الهوهوة ولا طرح ضهوك ديول

لحس الحروف مش صنعتك ولا حرفتك دق الطبول إن كان صحيح معدتك تطحن بارود ... تطحن زلط لكن ما تطحنش الوعود يا جاى فى الزمن الغلط مهما يقول الصول لبط لازم تقول

## جبال الرفض

سجل لى إسمي فوق جبال الرفض واضغط ع الحروف أكتب بلون الدم لو لونه لسه أحمر كان الولد مجدع الحكى على أمسه ولا عمره خان نفسه ولا عمره قال الآه إلا بصوت الهمس عايش أسير الأمس

...

ترس ف طاحونة أه على حلم متبدد بين القمر والشمس سجل لى إسمى فوق جبال الرفض واضغط ع الحروف رافض أموت خايف رافض يكون دمى رافض أو بترول رافض أطوف بالبيت وصاحبه يشرب

فى أربعين أمي شربات شماته فى جمجمة عمى يدوس على كتاف العرايا ف الصومال محنى كفه بدمعتى وهمى يناصر البوسنة يا بلين أطفال / حتة قماشة قاطعها من كمى ... يا رفاقه المسيخ دجال يا رفاقه المسيخ دجال يا رفاقه المسيخ دجال يا رفاقه المسيخ دجال والقبر لحده شمال

كبدى على أمتى
صبح الحجر مدفع
استأسدوا يا عيال
عرق النسا زرع
فوق الشنب علم
اكتب على جدار الزمن
حد الخجل تلم

## باباللقا

صاحبی اللی مات علی کتفی لسه حرارة بسمته بتحنی کفی

سنين على باب اللقا
واقف هناك
والليل بيحفر ف الزمن
سكة خطاك
ملح الشقا لون سماك
صمت وتعب ... عطرك غضب
الإل واصل منتهاك
لكنه على قلبك طرب
زيت البنادق والبارود
ريحة الخنادق والحدود
طارحة على طرف الخدود

كان كل همك يا بطل
مش تنتصر أو يوم تعود
كان كل حلمك فى الممات ...
دمك على كف السكات
معرفش أه ...
فجر صداه لحظة عبون
كان كل همك يا بطل
مش تنتصر أو يوم تعود
كان كل حلمك فى الممات ...
قلبك يثور ... روحك تفور
دم وبارود ... قرأن ومنبر
سر اللقا ع الشفتين
فجرك يا مارد فى الميعاد

لحظة ميلادك والمخاض قمقم على شط القناة حبل المشيمة ف الغيطان مدك حياة لفحت روحك ع الجبين سجدة صلاة خطيت وف الإيد اليمين الحنة كانت بسملة عديت وف الإيد الشمال كان كل خطوة بسمبلة وصلت لنهاية الميدان وبدون تعب أو أي خوف كل الحروف للعين تبان دمك على كل الحروف وضىح مغاليق الكلام حققت حلمك في الحياة إنك تكون أول شهيد والأرض تشهق للأدان

## كفرتل العجب

صوت النواح ف البلد ... لحنوه مغنى كتر الفرح شينه ... والضحك مالو معنى الأرض لسه ... شايلها التور على قرنه ولسه عفيرك يا زمان ... زنهار لكن أعمى والتور بيهرش ... تتهز البيوت الطين تتلخبط حريم الدار ... بتلت العجين بالتبن والضلمه

فتحت الكتاب ع الريف وش الخلايق نقر مليانه بالتخاريف ريحة معسل قص وشيخ بلد تايه أفيونة قد الفص ف سنته الفضه

حرمه مشتاقه الولد

نايمه حدا القضبان

ف شهوة الخضه

صوت غراب البين

نوح على السكه

مقام الولى غضبان

أم اسماعين اجوزت

ما استوفت العدة

كتب الكتاب انكتب

على ملوة المعده

الشيخ مجاهد عزب حسبها بالقبطى

يا كفر يا مصيبتى

## اتنيه صنايعية

إتنين صنايعية/ على حرف الرصيف بيخمسوا/ في رغيف شقوق الرجل والأسفلت... توأمها الحفا الوش من سياط الشمس دايب ... اختفى ..!!

قزقزة فتارين وخيالهم البكر احتضر على منتجات التلفزة والليل ينز ... جوه العروق أحلام الحلم كان مختصر ... ليلة ف الهيلتون مع بت م الإعلان

# آخرشعيد

والليل بيكبس ع السكك تقفل مصابيح الضيا باب الأمان ... وأنا من زمان .. مالبتدا مات شعاع الشمس على سلك الحدود ... لما ابتدى حلم النهار يطرح بارود ... لما كان الدم محبوس ع الخدود ... لما مات الحلم في رحم الوجود ... لما رحم الوجود ...

صرخة قدر ... وسبت عمرى فى الميدان كبش الفدا ... وفضلت أحلم بالسما تسقط ندا .... تسقط على سيف الشهيد المحتضر يمكن ف يوم تروى الوتر تبرق بيبان المعجزة جوة الضلوع ... تجلى الصدا م الأفئدة لا انتحر حلم الرجوع تسد جوع الأسئلة كيف ومتى ؟؟!

وهل إذا ؟؟!
كان الشهيد من لحمنا
مين مننا ؟؟!
أصبح ولى ؟!
يا نسل خالد وعلى
وآخر شهيد مات واندفن
لسه صلاح ...
لسا ما طالوش العفن
يا نسل خالد وعلى ...
أخر شهيد ما ماتش
من حرب ووغى ...
آخر شهيد مات

شفته وربي بيعتلى
عنقود دموع ...
على ضد طفلة بتغتصب
ف إيدين وليد
لحمه الطرى ...
سيح حديد الدبابات
لما انفجر ...
شفت سؤال ف عيون برئ
دبلت محن
صدى حديث المصطفى...
ف ودنه شجن

إمتى حتنطق يا حجر ؟ امتى حتطهر يا زمان من نسل دان كل البشر ؟ يا نسل خالد وعلى .. آخر شهيد ما ماتش أو كان محتضر ... آخر شهيد من لحمنا مزروع بيجرى ف دمنا آخر شهيد إنت ... وأنا

## $\tilde{J}$ o $\psi$ iau...

آه يا زمن الشكيك لمين ؟ يالى حافر بالضوافر فوق جدارى المستكين كملى معزوفة الألم ... تبلى بالخل الجروح علشان تلين ... جرحى من صابرا وشاتيلا فوق حدود المحتمل ... فوق الألم ... فوق الأنين ... فوق الأنين ...

أنا اللى محدوف
من سطوح بيت الأمم...
وإنت اللى قاتلنى
عشم ...
عد ويايا الألم ...
بحر البقر ... قدس الجليل
قانا الخليل ... بغداد
وبيروت ... والقمر
وبيروت ... والقمر
وتسد حلقى بالخرس
كل اللى فاضلى صور
على حرف الكتاب
مليان حرس ..

والحرج باب
والملامح من سراب
والمروح بتحلم بالإياب
وانت اللى ماسكلى الجرس
أه يا زمن ...
أشكيك لمين ...
السبت فات
والحد فات
واللى فاضل من الألم
نبض السكات
والكبرياء نام مستكين
يا ابن عمرى ...
يللى فيك كل الأمل

يللى فيك كل الأمل لو إنت ألمك محتمل عد ويايا الأهات واحفر ف قلب الذكريات واصبر لحلمك يكتمل أرفض ... ولا تبقيش ع اللي يرفضك إرجع للحظة مولدك يا ريت تعود ... إرجع لأصلاب الجدود إرجع لأرحام الخلود خليها تاني تولدك يمكن تثور ... يمكن تجمع مفردك يمكن يفور الدم ... وتسيب مرقدك.

## ولسه لافحك تحت باطي

ولسه لافحك تحت باطى
وفوق جدار الكتف شايلك
مهما كان حملك ماطاطى
تخلى بيا / تظلميني/ توجعينى
برضه شايلك
جوه ننى العين طبعتك
كاوى إسمك/ جوه ذاتى
فى العروق فى النبض إنتى
فى العروق فى النبض إنتى
وعم مسعود الجنايني/ وصاحبى صابر
ابن حارتى وذكرياتى
إنت كراس المدارس/ واردواز كتاب بلدنا
والقمر ليله أماسى/ إنتى أهلى إنتى ناسى

خرط جبنه وفول حراتی انسی بس إزای هواکی والدفا انسی بس إزای هواکی والدفا فی عیون جرانی / کان ونیسی هناك لیلاتی مهما أقولك / أد إیه طعم المسافه والرحیل ف ضلوعی أد إیه تلج البعاد / نزل دموعی اند إیه ریق الفراق مر ف آهاتی مستحیل راح تعرفی کفایه أقول یا حنینه / موج البعاد جبار وعاتی اتحبست أنا والصدی ف ضلع المکان/ أزعق أهاتی لحت طیفك ع المدی نبت علی طرف الجبین

من وعسل/ صفصاف / الشجر عنب بناتی أنده علیكی/ تخضر إیدی وألقی ریحة الطهر فیكی بتنزرع جنه ف وریدی هوه دا شعوری یوماتی هی كلمه/ أقولها وأخلص یوم ما أبیعك

#### رباعيات الحلم المقعور

سبلتنی للبکا سجلتنی تواریخ لا رمشی مرة اشتکی ولا شفت منی صریخ

(1)

علمنی أبویا أنصبهر علی حلمی ما اتعداش حلمك یا صاحبی نفذ وحلمی لسه ما جاش

(٢)

القصة متفرقة جوه الكتاب بتضيع والبسمة متعلقة ما يهمهاش مجاميع حلمك يا صاحبى نفذ / وحلمى لسه رضيع

(٣)

يا أمة متادبة على دفتر الأيام الحلق شقه العطش ف شهوة الأحلام حلم يطلع ربا وحلم يبقى حرام

(٤)

ياشفَّه مدربَّه على الابتسام فى الويل من يوم هلال الصبا والشهقه هدت حيل الضحكه ليه مرعبه ومقطعه الهلاهيل

(0)

أنا اللى ضهرى إنحنى من تقل لو ويا ريت وأنا اللى ف الملحمة بارقص على التوابيت عشقت فيك دهشتى ف المشى جنب الحيط وكرهت فيك غربتى ولم النكت م الغيط كرهت سلبيتى

(٦)

ما عادش فيه مندرة

فيه منظرة ومقاطيع

حكاوى كوز الدرة

خلصت ...

ما عادش وليع

صب لنا دور ناورة

صب لنا دور تطبيع

شربت نيلك زهق

ر ۷ شربت نیلك زهق رجع لنا ینی هاجرت بیه اندلق بالغصب م الننی حرف الآلام اتحرق والفلسفة سنی (^)

قلبی علیك انفطر بعدت لیه عنی لمین یدق الوتر مین اللی ها یغنی مین اللی فاضل حی والحرج فی الننی

(٩)

أرقص وفوق الكفن والحلم نازل نزف أنا جريح الزمن ولا شهيد الحرف يا سر جوه البدن مش ممتهن للظرف ما زلت بيك مفتتن مش ممتنع م الصرف استحلفك يا وطن

#### القصائد

/	 رجع الصدى
8	 ترنيمه
9	 عرق الرجوع
12	 ضلى الأخير
15	 حملك تقيل يا جسد
17	 ريحة وطن
19	 انت مین
23	 خدلك نفس
26	 الصمت موت
28	 السقا مات
31	 صهيل الوجع
34	 قول يا ملهم
37	 جبال الرفض
41	 باب اللقا
44	 كفر تل العجب
46	 اتنين صنايعيه
48	 أخر شريط
53	 أه يا زمن
57	 ولسه لافحك تحت باطى
60	رباعيات الحلم المقهور